

Donostian, Diputaziñoan, bildu dira: I. M.^a Echaide jauna, buru, Lafitte, Darsance, Eppherre, Villasante, Mitxelena, Lekuona, Arrue eta Irigaray jaun euskaltzainak. San Martin, Zabala, Loidi, Artola, Aita Larrañaga Pingliang-go apezpikua, Zugasti, Etxaniz, Valverde eta Irigoyen jaun urgazleak.

Oi dan otoitzagaz asi da batzarra.

Aurreko agiria irakurri da eta ontzat artu da.

Jose Aguirre jaunak zuzendu dauen karta bat irakurri da. Itaun bat egiten dau gramatikako puntu baten g^o ean lagun arteko duda bat argitzeko. Erantzun bekio gaiari jagokona.

Banco de Vizcaya-k zuzendutako karta bat irakurri da. Milla peseta emotea erabagi dabe Bizkaiko neska mutillen esamiñetan partidu bear direan sariak orniduteko. Eskerrak emon bekiez.

Jarrai teatro-taldearen karta bat irakurri da. Euskaltzaindiak emondako agiri bat gura leukie esanaz euskerearentzat ez tala kaltegarri beste izkuntza batean egindako teatro lanak euskeraz itzulita jokatzea. Itzulpena euskeraz ondo egiña badago ezta ikusten zegaitik izan bear den kaltegarri eta emon bekie eskatzen daben agiria.

Bagillaren 28-an Bizkaiko neska mutillen esamiñak egin dira Bilbon.

Bertsolarien txapelketen gaiñean berba egin da. Egin direanak dira: Errazu-n Uztaillaren 1-ean, Bautista Madariaga txapeldun; Vergara-n Uztaillaren 8-an, Jesus Eguileor Alberdi txapeldun; Mungia-n Uztaillaren 15-ean, Juan Lopategui txapeldun; Markiña-n Uztaillaren 18-an, Jose M.^a Arregui txapeldun; Deva-n Uztaillaren 22-an, Manuel Uranga txapeldun.

Azpeiti, Oiartzun eta Gernika-ko Ayuntamentuak bialdu dituezan ofizioak irakurri dira. Bertsolarien txapelketen gaiñean Euskaltzaindiak zuzendutako asmoak guztiz ontzat artu dituez.

Villafranca de Oria-ko Ayuntamentuak ez tita ontzat artu eta berba egin bedi Beasain-go Ayuntamentuagaz bertan egiteko alderdi aretako txapelketea.

Ondarroa-ko Ayuntamentuak ofizio batean juradu bat eskatzen deutso Euskaltzaindiari erri aretan egingo dan txapelketa baterako. Bialdu bedi.

Mitxelena-k Fausto Arocena jaunak Euskaltzaindiari itzultzeko emon deutan euskaltzain-ezaugarri bat dakar. Numero bat dauko medailleak: irua, eta Julio Urquijo jaunarena ei zan.

Ao batez erabagi da euskaltzain izentetea Jean Haristchelhar eta Aita Xabier Diharce (Iratzeder).

Lafitte jaunak Baiona-n Aguztuaren 28 eta 29-an egingo direan batzarrak eta Uztaritzen 30-ean Euskualzaleen Biltzarrak L. Dassance jaunaren omenez egingo dituen jaiak aipatu ditu. Gura leukie Euskaltzaindiaren batzarra be alderdi aretan egin daiten orreitako egun batean. Egin bedi Aguztuaren 30-ean Uztaritzen.

Euskal iztegiak jardunaldi bat egin da.

Mitxelena jaunak esan dau zelan mugaz bealdeko euskal atlas bat egiteko kanpotar batzuk pausuak emon dituezan. Osoa egitea obeto litzake eta gaiñera Frantziako linguista batzuk be orretan arduratuak dagoz. Eretxiak eskatu ditu orren gaiñean.

Domingo Agirre novela sarirako iru novela etorri dira. Arrue, Irigaray, Loidi eta Irigoyen izentau dira erabagi daien nori saria emon.

Oi dan otoitzagaz amaitu da batzarra.

I. M.^a Etxaide

L. Mixelena